

## UMS Terima RM1 Juta Sumbangan Bantuan Kewangan Pendidikan Daripada Bank Pembangunan Malaysia Berhad

Terakhir dikemaskini: Selasa, 26 Februari 2019 10:22 | [Cetak](#) | Jumlah paparan: 674


Kongsi 299

Syorkan 299

Kongsi

Tweet

Share



**JUMAAT, 22 FEBRUARI**  
– Universiti Malaysia Sabah (UMS) melalui Pusat Islam UMS menerima sumbangan bantuan kewangan

pendidikan berjumlah RM1 juta daripada Bank Pembangunan Malaysia Berhad (BPMB).

Sumbangan tersebut disampaikan oleh Ketua Kumpulan Pengurusan Syariah BPMB, Ustaz Mohamad Salihin Deris kepada Timbalan Pendaftar UMS, Mohd Zaidie Adilai yang mewakili Naib Canselor UMS, Prof. Datuk Dr. D Kamarudin D Mudin dalam satu majlis yang berlangsung di Masjid UMS, pagi tadi.

Terdahulu, Prof. Datuk Dr. D Kamarudin dalam teks ucapannya yang dibacakan Zaidie berkata, UMS amat bertuah kerana mendapat kepercayaan daripada enam agensi luar termasuk BPMB pada sesi 2018/2019 dengan menyumbang kepada UMS untuk diagihkan kepada pelajar UMS dalam bentuk zakat.

“Pihak UMS berbesar hati dan berterima kasih kepada pihak BPMB di atas sumbangan berjumlah RM1 juta yakni penyumbang terbesar untuk zakat UMS setakat ini.

“Sumbangan zakat yang terkumpul akan diagihkan kepada empat kategori iaitu asnaf fakir, miskin, mualaf dan fi sabilillah (pelajar),” katanya.

Menurut Prof. Datuk Dr. D Kamarudin, sumbangan diagihkan mengikut permohonan zakat melalui sistem e-zakat yang telah dibuka permohonannya pada 26 Oktober hingga 26 November tahun lalu, melibatkan sejumlah 1,021 permohonan.

Turut hadir pada majlis tersebut Pengarah Pusat Islam UMS, Prof. Madya Dr. Muhamad Suhaimi Taat dan Eksekutif Kanan Komunikasi Korporat Kumpulan BPMB, Nor Sham Soyod.

